

Filipai

¹ I dere așeta, Yesuné kutó diratere wh̄i Pol-ró Timotitamóné dīa Filipai be huluamó Tale Yesu Kerisoné kae betero betere so wh̄irapepaaekélé, Keriso so wh̄i t̄eteróló kaae tare wh̄irapepaaekélé, mepaae Keriso fake so wh̄i sek̄ei ala depa taosu betere wh̄irapepaaekélé, dapa wosae.

² D̄ané Aya Kótóro Tale Yesu Kerisotamo tūamó kaaróló wou betere h̄ale hamokoróló tao sere alaró hosaa muni deyóló mo dua betere alatamo dīapaae erótu beterópóló yae.

Mo kée yóló Talepaae momayale fo

³⁻⁴ Ȳalo dīa tūé yó taruraalu, ę t̄eteróló kaae tare Kótópaae mo kée yóló moma yó tare dok̄o ę h̄ekesené sukutu, dīa feamó momarótu beterapó.

⁵ Ti noatepae, take ę dīa beterepaae sókó wóló Yesuné mió wosetere kisi fo wisi dīatamo fea betamó titiyóló bitu, yó maté fu betepa diaaę ę tao siré wóló miókélé ai alatóro yó tapa, mo kée yóló h̄ainé sukutu beterapó. ⁶ Dīa tūapaae ai erótu betere wisi ala kaarale sek̄énete mo ti eraté fóló tūamó taaréni, Yesu Keriso wale sukamó sókó fóló kemeraalopóló, ȳalo mo diriyóló tūęrapó.

⁷ Dīa fea ȳalo hosaa tūamó muluraalu, diaaę du betere ala kolóló ę h̄ekesené sukutu betere alata doni, mo wisirapóló kisipa mutapó. Ti noa betené meipó. Ę *sein* képiné dokóló *dipula* bitukélé ó belapaae mo kuturaalukélé, Kótóné mió wosetere

fo wisi hãle fo nisyóló só deróló aluyaqsóró, mo diriyóló tué muópoló momó du momó du yó tapakélé, Kótóné ama hãle hamokoróló tao sere ala diã feané ɛpaækélé eróo, yałokélé diãpaae eróo, du betere ala hãle yó tarapó. Ti atéro titiyóló bitu du betere ala kilituraalu, ɛ hɛkesené sukutapó. ⁸ Yesu Kerisoné yaala sókó fu betere ala ɛ tuãmó muluraalu, diãtamo betenée yóló hosaamó su beterapó. Até enée yóló mutere kisipa Kótóné kolóló ama mopó enérápó.

⁹ Yało diãmó momatu betere bete i ape. Kótóné ama ere alata, tómó mole nisi yaqsóró, ɔ betemó kaaróló wale ala wisinaale mo turó kisipa duraalu, diaaɔ yaala sókó fu betere ala mo ti fakeraté fópóló momarótu beterapó.

¹⁰ Diã até deté fu bituraalu, kae kae yaaire alarape mupatei, mo bete mole ala tué yópóló momarótu beterapó. Ai du betere alata, me alatamo hosekényi, mo wisi alamaaté yó taté fóló, Yesu Keriso wale sukamó me alakélé muni, mo donore so whi beterapó yópóló, momarótu beterapó. ¹¹ Yesu Keriso tuãmó kaaróló sókó wale ala wisi nokole ɔla ke bulure kaae, diã tuãmó mo donoi ala wisi atéro buóló faapa so whi feané kilitu, Kótóné ama kae ere de wisinaale mulapóló ama doi hale horaalopó.

Pol dipula beterales alané Talené fo yó melaairetei fakeralepó

¹² Térapa norape-ó, ɛpaae erale alané Kótóné mió wosetere fo wisi kejréni, mo ti fakeraté fu betaletei diaaɔ tué yaasepóló i dapa wosae.

13 Ẹ Yesu Kerisoné fo erótu betale alamó, ati-mané ẹ *sein* képiné dokóló *dipula* beteraletei, topo whì bitua dere be wisimó betó mole diki tare whìraperó mo whìrape featamoné kolóló kisipa yalepó. 14 Talené ala tuámó betó mole mepaae norapené ẹ *sein* képiné dokóló *dipula* beterale ala kolóló, atima wiyóló taaréni, halaainé bituraalu, Kótóné fo eraai doasi ketekẹ butu beteraipó.

15 Tétu betepatei, mepaae whìrapené dei tuẹ muóló alale suraalu, Yesu Kerisoné dere ala i ape yóló yó mótu betóo, mepaaené ti mo wisi tuétóro muóló yó melóo du betereitea, mo dapó.

16 Ai wisi tuẹ mulu yó mótu betere whìrapené kale mió wosetere fo wisi eraairaalu, ẹ *dipula* betero beteraipóló tuẹru, yaala sókó fóló yó mótu beteraipó. 17 Tétu betepatei, kale dei tuẹ mutere whìrapené hosaa tuámó atima doi sóró horaaire kisipa mulu, Yesu Kerisoné ala eratere aqyóló yó mótu beteraipó. Ti aita hẹle mei, ẹ *sein* képiné dokóló *dipula* betepa, ẹpaae sekẹi ala eraalo nisiyóló, du beteraipó. 18 Tépateti kapala ala depakélé, ó mo dere alakélé ó kae kae ala depakélé, aita me ọlameipa, mo doasi topo ala betẹ i ape. Yesu Kerisoné dere ala i ape yóló so whì feapaae yó mótu betere alata, mo doasi bete mulapó. Atétu betere alamó ẹ hajné sukutu betereitei taaréni, mo hẹle yótóro tawaalopó.

19 Ti noatepae, dijané moma yó tare alaró Yesu Kerisoné dotẹyale Dẹi Kepe wisitamoné tao sóro erótu betereiteimó, ẹpaae erale ala fea deté wóló kemene wouraalu, ti ẹ *dipula* betereitei taaróló, hẹle fópóló sokaalopóló kisipa mutapó.

²⁰ Ẹ betepa ó sukutepakélé Talené halaaratepa halenipó. Aténi, take bitiré wou yale kaae, mió yálo tikimó erótu betere ala so whiné kil-itu, Yesu Kerisoné doi hale sóró horateretei kelenée kisipa mutu beterapó. ²¹ Ti noatepae, yálo kisipané ẹ betere beteta, ti Yesu Keriso ątórótípó. Ẹ sukutepakélé me ọlameipóló mo kée yaalopó. Mió i haįtu betere ala bosenóló mo doa haįné sukutu betaalopóló kisipa mutu, mo kée du beterapó. ²² Ẹ etéro haįe bitirétamo fu betepa, ti yálo i ditu betere kutó mo du oleraalo ai ape. Ti etei kisipa motei, tu tamo moleteiné mé tupaae faaloró ẹ mo diriyóló tuęnipó. ²³ Atéro mutere kisipané yálo tiki tuámó tekéetamo dapó. Tépateti, yálo kisipané mo doasi alata, ẹ sukóló fóló Yesu Kerisotamo betepa, ti mo wisirapó kisipa mutapó. ²⁴ Ténépateti, yálo dią yaýare ala tao saairaalu, ẹ diątamo betere ala doni, mo wisirapó. ²⁵ Ẹ sukuni, dią featamo betámó bitiré faaireteiné dią haįné sukuturaalu, diaaą tuę tiki tiratere alakélé mo diri deté faalopóló kisipa mutapó. ²⁶ Atéturaalu, ẹ diątamo betámó betereiteiné, ẹ kilitu Yesu Kerisoné yale ala wisimó ą dukiróturaalu haįtere ala dią tuámó mo ti faayaalopó.

²⁷ Me noa alakó ẹpaae eratepakélé diaaą ai du betere ala taaréni Yesu Kerisoné mió wosetere fo wisi sya fóló eratere whįtóró betae. Atépa, diaaą ẹ alupa yale ala ó ẹ dią beterepaae wapakélé kelerąlemó me ala kae ini, mo betą alatóró epa ke-laalopó. Dią fea betą kisipa muóló diriyóló betóo, dią mo betą whį kaaetóró bitu, Talepaae tuę tiki tiratere ala etérópóló yó melóo, du betereitei

yalo kisipa yaalopó. ²⁸ Atéru, diqtamo bóe du betere whirapené diqpaae kae kae sekei alarape eratepakélé wiyaalomeipó. Atétere ala atimané kilitu, Kótóné dā mo ti doróo, atima aluyaqsóro tao sóo, yaairemó dere fareyópupóló atima kisipa yaalopó. ²⁹ Ti noatepae, Kerisoné ala eróturaalu, qpaae tuę tiki tiratere ala maaté yópóló ini, ama doimó doasi sekei alakélé sópóló melalepó. ³⁰ Ti ę Kótóné ala erótu beteremótei, qpaae kae kae sekei ala eraletei diaaq kelalepó. Miókélé betā kaae sekétóro su beterapó dere fo diaaq ai wosetere ape. Diqpaækélé atei alatóro erótu beterapó.

2

Kerisoné ama yale ala sūróló enérápóló ere fo

¹⁻² Diq Yesu Kerisotamo touyóló betāmó bettereiné ketekę bulatere ala eróo, ama yaala sókó fole alané dā haj kisipa mulóo, Dęi Kepe Wisi dā fea tuāmó bettereiné mo betā alatóro eróo, kqlené sukutu naameyóló mo dua betóo epa, ti ę mo doa haj yópóló, i ala yaasepóló dapó. Diq fea Talené ala eróturaalu kae kae tuę muni, dere alakélé yaala sókó fole alakélé, ketekę bole alakélé, mo betā alatóro yaasepóló dapó. ³ Diaaq me ala duraalu, ętóróti doasi whj betaai dapóló kisipa mutu, u tęterótu i tęterótu dere ala ó me bete munipatei ę betā mo whj wisi beterapóló kisipa muaqsé. Tėni, naaotei yā tęteróló dua bitu, mepaae so whj dukiróló atima aqmó beterapó kisipa muae. ⁴ Diaaq séle séle dere alamaaté kisipa muóló kaae tani, diqné dere ala wisiyóló

kaae taru dere kaae, mepaae so whikélé tao sóró atima kisipa mole alakélé wisiyóló kaae tawae.

⁵ Diaaḡ hosaa tuamó mole kisipata, Yesu Kerisoné kisipa kaaetóro muóló betae.

⁶⁻⁷ Ti aṭa, ama ere ala kae mei mo take betere Kótó bitu, ama ere alakélé Kótótamo beta ala eretei, atéro bitirétóro fu betaaitapóló kisipa muni, amatei a belei alée fóló, mo kutó diratere whi su betalepó.

Atéro betepa, mo so whiné a kilituraalu, mo whipóló kisipa mualepó. Atéro ama dere ala fea amatei a haepaae deróló beterepó.

⁸ Atéru, Kótóné fo aḡmó sukóló bitiré fóló sukutere alapaae sókó felepó.

A atéro sukuturaalukélé mo whi suku tu dere kaae ini, atimané aḡpaae kisipa tiki mo fomaakei ala eróló, filipaaró betere ni tómó sukalepó.

⁹ Amatei a atéro derale betené, Kótóné a tao sóró fea ala fea ama teṭeróló kaae tanópóló beteróturaalu, kae kae doasi doirape mupatei, ama doi doasi Tale mulalepó.

¹⁰⁻¹¹ Até yale betené mené Yesuné doi depa, hepen bemó betó mole *ensel*-nékélé i haemó betó mole so whiné kélé, i hae aḡró betó mole so whiné kélé, ama doi woseturaalu, bukutiri teṭró bitu, Yesu Keriso aṭa Talepó yaalopó.

Téturaalu, Alima Kótóné ama ere ala wisi-naale haḡeamó mulaalo ai ape.

Diḡ tuamó ḡrené de kaae deḡó falópóló yae

¹² Térapa, yaḡo mo hosaa mole no nerape-ó, Kótóné ama diḡ tuapaae eraai kisipa mole ala

wisi ai erótu betere ape. Dią ętamo betámó bitu, diaaą yało dere fo wosóló eraté wale kaae, mió ę alupa diąsisi bitukélé, Kótópaae wiyóló ą aqmó sukóló bitu, dią aluyaqsóro tao sere ala du wisi oleyópóló eraté fu betae. ¹³ Ti noatepae, Kótóné kisipa mole ala sya furaalu, ama fo wosóló eraaire kisipa wisiró ketekętamo amatei dią tuąpaae mo surótu beterapó.

¹⁴ Dią Talené ala eróturaalu, mené dere ala kilitu hoko dapóló eratere foró fonétei u só derótu i só derótu dere alatamo momókó yaqse. ¹⁵⁻¹⁶ Ti aita hąle mei, me alatamo hosekényi mo wisi ala maaté du betere so whi betepa kilitu, Kótóné naale senaale beterapó yópóló i dere ape. Dią atéró betepa, mió i alimó betó mole so whi wuliné tu kaae kotereteiné atima dere alakélé mo sonaalérápó. Dią atei kaae so whi tuámó bitu, mo ti betaaire fo wisi so whi feané wosópóló hąkeamó yó mótu betepa, ti dią ó sąmó daae mole hore ęeru ere kaae, atima tuámó ęerótu betenérápó. Atépa, ti Yesu Keriso wale sukamó, ę bopé fakeyóló halaa yaaire beteta, ti dią tuámó yało diale kutó hąle ini, du wisi olerapó yópóló kisipa mutu dapó. ¹⁷ Atépaitei, diaaą tuę tiki mo ti tiró bitu Kótóné ala eraté fópóló, Talené fo diąpaae eraté felepó. Atéyale alata, *wain węi felé kęlaa* Talené kulumupaae fópóló sipaae sunée falótu dere kaae, yało betere bete dią tao suraalu sukutepa ti me ęla mei, diątamo hajné sukóló mo kée yaalo ai ape. ¹⁸ Atérapa, diąkélé ę dere kaae hajné sukutu mo kée du betenérápó.

Timotiró Eparataitas-tamo dotonaai yale fo

¹⁹ Tépatéi, dā tēteróló kaae tare whī Yesuné kisipanétamo Timoti diā beterepaae wópóló epa, ti ą hapale wópóló dotęyaai kisipa mutapó. Ti ąta, diaaą du betere ala kolóló epaae ené wapa wosetu, ę hajné sukąai dapó. ²⁰ Ti Timoti ąta, diā mo wisiyóló beterópoló kisipa mutu betere whípó. Ama kisipa kaae mole whī mekókélé ętamo imó bitinipó. ²¹ Ti noatepae, i betó mole so whī feata, Yesu Kerisoné ala eraai kisipa muni, mo atimané yaaitere alamaaté kisipa mutu beterapó. ²² Téretei, Timotiné ama du betere ala diaaą kaae kolóló kisiparapó. Ti ąta, betą naale ama alimatamo kutó betąmó ditu betere kaae, dąmo wusuró Talené mió wosetere fo wisi ketekę buóló erótu beterapó. ²³ Atérené epaae eraaire alapi kolóló, kīlipaaeta ti ą diā beterepaae hapale tėti dotęyaai kisipa mutapó. ²⁴ Téró, ękélé Talepaae tuę tiki tiróló bitu, diā beterepaae mo hapale waii kisipa mutapó.

²⁵ Atéyaaitéi, yąlo no Epararataitas diā beterepaae fesaae wópóló, mo dotonaai kisipa mutapó. Ti ąta mo whī mei, dąmo betą kutó diteré whī bitu, Talené alamó bóe daai ętamo titi du betere sekępó. Ti ąta, ę sekę yaqsóro, mepaae yąyąre alarape tao sene wópóló diaaą ę beterepaae dotęyale whī wisinaale ai ape. ²⁶ Ti ama diā fea kelenée kisipa mupatei, diaaą Epararataitas ą kisiné sukóló mulapó yale fo wosaletéiné ama tuę sekeyalepó. ²⁷ Ti aita mopó. ą mo felekemó sukąai yaletéi, Kótóné kólené sukuturaalu tao sale alata, ąpaae maaté erénitei, ę dekené sukutere ala dekaaporóló

muaqsóró Kótóné ẹkélé kọlené sukutu, ẹ tao sóró kepaaraletiné mo kée dapó. ²⁸ Atéreteiné, ẹ mo miótitei diẹ beterepaae wópóló dotęyaairaalu, kisipa mutapó. Ti hẹle mei, diaaọ ẹ kolóló hajné sukọ, ẹkélé whaalia du betereitei sawa feléyóló betóo, yaai dapó. ²⁹ Ẹ wapata, diẹ Talené ala tuámó hajné sukutu bitu, kọleó yóló ẹ mo wisiyóló dape sae. Atéturaalu, atei kaae whị doasi doi muópóló hale sóró horae. ³⁰ Ti noatepae, Yesu Kerisoné ala eraai wóputu bituraalu, ẹ mo felekemó sukọai yalepó. Ti noa betené meipó. Diaaọ ẹ tao senépateti, tao saaire tẹ meipa, ama ẹ tao sene wóló, ama betere betemó kisipa muni, sukutepakélé me ọla meipóló ẹ tao sere ala betẹ du betalepó.

3

Tó tikiné dere alamó dąné kisipa tirótumipó ere fo

¹ Yẹlo norape-ó, kemeróturaalu dere fo i ape. Tale tuámó bituraalu, hajné sukutu betae. Take yẹlo asęyale fo kaae momó i dereteita, seķęnipó. Me alané diẹ só deraqsóró seséturaalu i dere ape. Ai haọrapené diẹ tukó naqsóró mo hotowayóló kaae tawae.

² Ti atimata, dowi alamaaté hẹle yó taruraalu, whịné tikimóte i siri eróló, tiki dorótu betere whịrapepó. ³ Ti noatepae, take Kótóné ama so whịpóló tiki sekaę tukóló sirirótu yale kaae, mió dąkélé ama so whịpóló siriró betera póló. Dẹ atéro betere so whị Kótóné Dẹi Kepe Wisiné fotokọratepa, ẹ aqmó sukóló bituraalu, doa Tale-ó

yóló hale sóró horótu beterapó. Ti ðata, me ala ó me wh̄i kolóló bopé fake dumitei, ða t̄eteróló kaae tare wh̄i Yesu Kerisoné doi hale sóró horóturaalu, ama ere alamó ða bopé faketu beterapó. Atétu, i haemó ayarapéné kae kae mara mole alaró tó tikimó du betere alatamo mupatei, ai alarape mo bete mulapóló ðané tuę tiki tirótumipó.

⁴ Ẹ atei kaae tó tikimó bopé fake yaaire bete doasi mulapó. Mepaae wh̄i dené ama du betere alarape bete mulapóló kisiipa tiki tiratepa, ti yało i haemó dere alanétei atimané du betere ala fea mo teraae felénérapó. ⁵ Ti ęta, hoko deale wh̄i mei, yało haené deóló bitiré wóló, bokó wale be ðę sókó wapa, ti yało tikimó siriralepó. Ẹta, be kae wh̄i mei, mo Hibru be fo bole Israel wh̄ikó Benjamin fakepó. Ẹta, ða Hibru so wh̄iné ayarapéné mara mole ala taaréni, mo wisiyóló sya fu beterepó. Atéró bitu, Kótóné yóló muló betere fo dosayóló bete mo wisiyóló sya fu betaleteiné ę betą Farisi wh̄i beterapó. ⁶ Atéruraalu, me kae kisi alané ðané ayarapéné du betale ala aluraqsóró, mo ketekę buóló Keriso fake so wh̄itamo bóe dóló susupurótu betalepó. Atéturaalu, Kótóné tukóló muló betere fo yało eraté fu betepa so wh̄iné kilitu, me ala h̄asókó fele wh̄ipó fo ępaae mo inipó.

⁷ Atétu betale wh̄itei, take yało doi muale alarape taaróló mió Yesu Kerisoné ala sya fóló eróturaalu, ai alarape fea h̄ale ọla aqralepó. ⁸ Ai alamaaté meitei, ę t̄eteróló kaae tare wh̄i Tale Yesu Keriso ąta, mo bete mole alané Talepóló, ą tuę yaaitere ala doasi ketekę buóló deté fu-

raalu, mepaae ɔla ɔla fea bete muni, mo haɓe taae fatere ɔla kaaené kelerapó. Ti Yesu Keriso a yaɓo Talepóló sóró beteróturaalu, yaɓo tare ɔla ɔla fea taaróló, mo ti kisipa keteralepó. ⁹ Kale tukóló muló betere fo sya fóló yaɓo erótu betaleteimó, Talené epaae donoi whipó yóppóló kisipa tirótumipó. Téni, Yesu Keriso tuamó bitu epaae tué tiki tiratere kilitu, Kótóné epaae donoi whipó eranée yóló doasi kisipa mutapó. Ti ai donoi alata, Yesu Kerisopaae tué tiki tiratere betené Kótó tuamó wou beterapó. ¹⁰ Yaɓo hosaa tuamó Yesu Keriso mo diriyóló kisipa yaai dapó. Atéru, a sukóló momó kepaayale fotokɔ kisipa yóo, ama tikimó sale kae kae sekɛi ala epaaekélé eratepa sóo, a mo dowi hale sóró sukutu yale kaae, ekélé atéro sukai tué mutereteiné Talené e mo surópóló kisipa mutapó. ¹¹ Téró, a momó kepaayóló mo ti betere bete su yale kaae, ekélé atéro momó kepaayóló mo ti betaaire bete saalopóló kisipa mutu dapó.

Dɔle molemó sókó faai sururu yóló fole ala

¹² Ti Talené ama epaae eraai tukóló mulale alarape fea mió sóró tani, teórapó. Kótóné yaɓo du betere alakélé wisirótu betereitei mo ti wisiréni, teópó. Yesu Kerisoné e tuapaae eraaire ala mupa, ama e tawóló dape salepó. Até yaleteiné, ama ai eraaire ala haɓe muaqsóro e dekaayóló haɓe bitini, ai ala saairaalu doasi ketekɛ butu beterapó. ¹³⁻¹⁴ Norape-ó, yaɓo ai saai du betere alata, mo turó sóró tanipóló kisipa mutapó. Tépatéi, yaɓo du betere ala betá i ape. Take deté wale alarape kisipa keteróló, tukóló muló betere dalemó sókó

faairaaalu, ketekētamo folepaaetóró fu beteraþó. Aita hañle mei, e Yesu Keriso tuamó betepa, Kótóné eþaae hepen bemó mole ala wisi saai ape eretei saairaaalu, muló betere ðalemó sókó faai ketekē buóló fu beteraþó.

¹⁵ Talené ala mo diriyóló tuére so whi ða fea, atei kisipatóró muóló betae. Ðiakó mepaae whiné yaño i du betere fo tuamó me fokó hañsókó falapóló kisipa mutepa, ti atére alakélé diaaño kisipa yóþóló, Kótóné hañkearaalopó. ¹⁶ Atéyaaipa kaae taru, ðané kisipa sere ðalemótóró erótu betaalopa sae. ¹⁷ Norape-ó, mepaae whirapené yaño du betere ala kolóló sya wou betere kaae, ðiakélé atétóró yae. Ðané yó matere fo wosóló sya fu betere so whiné dere ala kolóló tué muae. ¹⁸ Ti noatepae, take yaño ðiþpaae yó maté wou betale fo kaae, miókélé ðiþpaae momó woletamo i dere ape. Mepaae so whiné dere alané Yesu Keriso dóló olerale nitamo bóe du beteraþó. ¹⁹ Ti ai whirape atima ai ala deté fóló, mo ti aluyaaire tikipaae sókó faalopó. Atima teþteróló kaae tare kótóta, ti ọla naai ekeñere ala ai ape. Atima haleni, mo sonaalei alatei, bete mulapóló bopé faketu beteraþó. Atimané kisipa tikikélé haemó mole alapaae mutu beteraþó. ²⁰ Tétu betepatei, ðané turuku beta hepen ereteiné so whi aluyaqsóró tao saaire Tale Yesu Keriso a hepen be taaróló i haepaae wóþóló, ða faairaaalu ketekē buóló kaae tawóló beteraþó. ²¹ Ti ai sekē tuamóta, fea ala ama teþteróló kaae tawaaire fotokọ mo turó bulapó. Ða i haemó mo whiné daale tiki taaróló, ama mo kae daale ðei tiki

wisinaale kaae daalópóló eraalopó.

4

¹ Yálo hosaa mole no nerape-ó, diɔpaae yaala sókó fóló mulu yálo diɔ mo kelenée du beterapó. Ti diɔta, sururu yóló fóló, folosóró fole whiné topo tao suraalu, hajiné sukutu dere kaae, di-aaɔ du betere ala kolóló ɛ mo hajiné sukutapó. Atéyaalopa, yálo diɔpaae ai yale fotóró sya fu-raalu, Tale tuɔmó mo diriyóló atérótóró betae.

Alale sere alamó yale ma fo

² Yálo ne Yuodiaró Sinteketamo-ó, diaamosisitei u tɛtérótu i tɛtérótu dere ala taaróló, Tale tuɔmó mo betɔ kisipatóró muóló betaeyóló diaamopaae mo dirii ma fo i dere ape. ³ Atimaamota atérapa, sekɛi ala ɛtamo wusuró beletu betere whi no kamale-ó, yálo ɔpaae ai so tamo mo wisiyóló tao sae yóló i dere ape. Atimaamota, Klemen-kélé, mepaae ɛtamo betɔ kutó ditere so whikélé, dɔ fea Talené mió wosetere fo wisi eraairaalu, betɔmó bóe belerɔle fu dere kaae yale so tamopó. Ai so whiné doita, mo ti betó tare *buk*-mó asɛrapó.

⁴ Betere dokɔ fea diɔ Tale tuɔmó bituraalu, hajiné sukutu betae. Momó dapa wosae, hajiné sukutere ala hɔle yó tawae. ⁵ Tale felekemó ai beterapa, so whi feapaae diaaɔ mo dua naameyóló du betere ala erótu betae. ⁶ Diɔ mepaae ɔla ó alarape netéro yaaloé? yóló whaalia du betaɔse. Téni, diaaɔ ɔɔɔtu betere ala fea Kótóné erópóló, ɔpaae yó móturaalu mo kée yóló, moma dere ala betɔ yó tawae. ⁷ Atétere

betené diã Yesu Keriso tuãmó betepa, me alané diaaḡ hosaaró tuḡ tikitamo doraḡsóró Kótóné hosaa muni deyóló dua betere alanétei, diã tipi yóló kaae tawaalopó. Ai hosaa muni deyóló dua betere ala wisinaale mo doasi sikipaae horeteiné fea so whjné tuḡ yaaire mo sũnipó.

⁸ Norape-ó, mo kemerótu i dere fo wosae. Mo ala dereteikélé, wisi kiswa maaté mole so whjné dere alakélé, mo donoi alakélé, me alatamo hoseké inire alakélé, kelaalo mo kokḡi alakélé, so whjné kolóló dukiraaire alakélé, ai dosḡayale alarape talerãlemó, naao yaai dere alatamo betã kaae epa, ti kelaalo mo kokḡreteiné dukiraaire alapóló kiswa mutepa, ai ala erótu betae. ⁹ Yãlo diãpaae yó matepa wosale fo ó ašemó yale fo ó yãlo hãle ekei depa wosaletei, ó yãlo mo du betere ala kelené kelaleteikélé fea sya fóló erótu betae. Até depa, ti hosaa muni deóló mo dua betere ala materé Kótó diãtamo betaalo ai ape.

Hãle tao sóró materé alamó mo kée dere fo

¹⁰ Take diaaḡ ḡ kḡleturaalu, tao sere ala deté waletei sawa taaróló bitiré wóló, momó tao sereteiné mo kée yóló ḡ Tale tuãmó bitu, hajné sukutapó. Ti ita mo dapó. Take diaaḡ ḡ tao suãtei, tao saaire tuḡ me munipa tao sinipó. ¹¹ I dere fota, ḡ me ḡla yãyãtepa dumitei, mepaae kae kae sekeḡi alarape wapakélé me ḡla meipóló, hepée taae faróló bitiré wou betaleteiné mió ḡ kiswa sóró asarapóló dapó. ¹² Atéró ḡla ḡla sũmó mupa betere alakélé yãlo kiswa yóo, yãyãre tuãmó betere alakélé, kiswa yóo erapó. ḡla sũmó nukulé fóo, munipa hãle bitiré fóo, kae kae felei

ala ó sekēi ala wapakélé, faleyóló betaaire kisipa saleteiné mo sūmó hāle betenérápó. ¹³ Ti ę fotokō mótú betere sekē tuāmó bituraalu, ai dosāyale alarape fea yālo mo sūmó enérápó.

¹⁴ Tépatei, ępaae wou betale sekēi alarape diaaę kolóló hosaamó suraalu, dą feané tikimó eratapóló kisipa muóló ę tao su betale alata, mo wisirápó. ¹⁵ Ti ai alamaaté mei, ę Masedonia hae kwia taaróló dią Filipai bemó betó mole so whį beterepaae wua yóló, kale mió wosetere kisi fo wisi yó melaai kaae salepó. Atéyale sukamó, mepaae be hulua Keriso fake so whįné ę tao sóró u mótú i mótú dere ala ini, diąné maaté ę tao su betale ala diaaę ai kisipare ape. ¹⁶ Ti noatepae, ę Tesalonaika bemó betepa yąyą du betale ęla ęla diaaę ę tao sóró dotonótua yó tarepó. ¹⁷ Ti i dere fota, diąné ęmó me ęlakó melópoló dumitei, diaaę take saaire dupumó kisipa mutu dapó. ¹⁸ Diaaę Eparataitas-paae ęmó melale fae yale ęla ęla fea yālo sūmó saleteiné mió mo dekéró mulapó. Aita ęmó maletei, Talepaae hāle móturaalu simó bilitepa felé kęlaa hotere kaae depa, Kótó ą felé kisipa mutu beterápó. ¹⁹ Yesu Keriso tuāmó Kótóné ama kae ere dę wisinaale ęane wisi wisi ęla mo turó mulapó. Atére wisi ęla ę tęteróló kaae tare Kótóné dią yąyąretei fea mo sūmó melaalopó.

²⁰ Dąné Aya Kótó ąta, ama kae ere dę wisinaale tuāmó betereteiné ama doi doasi mulatere ala kemekélé ini, mo ti muó tanópoló yae. Mo kée.

Mo kemeróturaalu kęleó yale fo

²¹ Yesu Keriso tuámó kae betero betere so whipaae kōleó yae. Ẽtamo betámó betó mole Keriso ne norapénékélé diápaae kōleó dapó.

²² Kótóné ala erópóló ama kae betero betere so whiné diápaae kōleó deretei, so whi fea tēteróló kaae tare doasi topo whi Sisané bemó betere so whinéta, mo doa kōleó dapó.

²³ Térapa, Tale Yesu Kerisoné hāle hamokoróló tao sere ala diāné kepe bete tuápaae erópóló yae. Mo kée.

Yesu Kerisoné So Whi Tao Sere Kisi Fo Wisi
The New Testament in the Folopa Language of Papua
New Guinea

Nupela Testamen long tokples Folopa long Niugini

copyright © 2005 Wycliffe Bible Translators, Inc.

Language: Folopa

Translation by: Wycliffe Bible Translators

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-09-20

PDF generated using Haiola and XeLaTeX on 11 Nov 2022 from source files dated 9 Oct 2020

4e9b4b04-0b47-5583-9c4d-fb82cfdd65c2